



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 48. Novæ bellorum flammæ a Protestantibus suscitatae.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Ejusdem ferme tenoris erant Pon-Sæc. XVII.
 tificis literæ ad Maximilianum Electo- A. C. 1625.
 rem, hæc eidem significans: *Profectio-*
nem, dum in Germaniam inchoaret dilectus
filius Religiosus Sacerdos Dominicus a Jesu
Maria Carmelita Discalceatus, coactus
est in valetudine corporis omnem longi itine-
ris spem deponere. Divertisset ille ad No-
bilitatem tuam, cujus Victorias Religiosas
& Imperii dignitatem defensam exteræ quo-
que Nationes fatentur. Quod tamen Sola-
tium tibi alloquio ferre Monachii non poterit,
id orationibus e Cælo facile impetrabit.
Nos autem Nobilitatem tuam inter trium-
phalia Legionum signa Christianæ pietatis
gloria præfulgentem amantissime complecti-
mur, Deumque oramus, ut volens, pro-
pitiisque annuat Sacerdotum precibus, qui
a te eximiis honoribus exculti perennem tan-
to Duci felicitatem precantur.

§. XLVIII.

Novæ bellorum flammæ a Protestan-
tibus fuscitatæ.

Annus hujus sæculi vigesimum quin- *Lotich. rer.*
 tum novo bello, variisque tumul- *Germ. l. 15.*
 tibus ob Religionis diversitatem exor- *cap. 1.*
 tis funestum aggredimur; quippe Au- *Adlzreiter*
 striacæ felicitatis æmulatio, & violen- *annal. Boic.*
 ta sectas propagandi studia jam tum *part. 3. l. 10.*
 indicabant, quod humanus sanguis *Theatr. Eu-*
 rop. p. 860.
 hucus-

Sæc. XVII. hucusque in Germania effusus nondum
A. C. 1625 ad extinguendum belli, cupiditatisque
 ignem sufficiens fuerit: Inde oriebantur
 novi tantique bellorum apparatus, in-
 deque cruenta Cæsarem debellandi &
 Catholicos opprimendi consilia; nec
 deerant speciosi obtentus, quibus
 Sectarii inexpectata turbandæ quietis
 molimina honestarent: Præferebant
 equidem Christianus Daniæ Rex, ac
 Saxonæ Inferioris Ordines, se nihil
 adversus Cæsarem, Imperiumque mo-
 lituros, re tamen ipsa adversus Tillium,
 & Cæsaris exercitum arma parabant,
 ut translatae in Bavarum Electoralis
 dignitatis injuriam ulciscerentur: Ba-
 tavi quoque oppressam Germaniæ liber-
 tatem & despoticam Cæsaris Hispani-
 que Regis potentiam, ac propriæ li-
 bertatis defensionem, (usitatum illud
 factionum nomen & obtentum), præ-
 texebant: Denique Angliæ Rex terra-
 marique ingentes comparabat vires,
 ut Fridericum Generum suum pristinae
 dignitati restitueret: Soli igitur erant
 A catholici, qui novas belli flammæ
 per triginta omnino annos grassaturas
 rursus eo tempore accenderunt, quo
 Imperator, ceterique Catholici Princi-
 pes eidem foederati partim armorum
 felicitate, partim pactorum legibus
 optatam Imperio pacem paulo ante
 reddi-

reddiderant. Perspectis autem Prote-
stantium consiliis Cæsar nihil jam dis-
simulandum ratus, Alberto Wallen-
steinio Comiti, quem non ita pridem
Fridlandiæ Ducem creabat, negotium
dedit, ut novos militum delectus face-
ret; priusquam vero Imperator armo-
rum vim adhiberet, Daniæ Regem da-
tis literis hortabatur, ut mutato belli
consilio Palatinum pacis firmæ mediis
juvaret, eamque in rem Britannæ Re-
gem incitaret; Elector quoque Saxo-
niæ Dano auctor exstitit, ne Cæsarem
turbato Imperio armis lacefferet. Til-
lius insuper Bavarici exercitus Belli-
dux, cui bellicus Saxonæ Ordinum
apparatus suspectus erat, eosdem mo-
nuit, ut a novis delectibus abstinerent,
ne cum Cæsaris, ac Imperii Principum
hostibus conspirantes in suas Provincias
belli molem traherent. Verum inuti-
lia erant hæc monita, postquam Da-
niæ Rex cum copiis suis jamjam in
Verdensem Episcopatum & inde Ha-
melium usque castra promoverat, &
Brunsvicensis æque ac Mansfeldius
Gallis, Anglis, Batavisque in arma
pertractis per Westphaliam Visurgum
flumen trajecerant, in Imperium post-
liminio irrupturi. Cum ergo Cæsar
omnem moram summo periculo obno-
xiam fore intelligeret, Fridlandum
copias

Sæc. XVII.
A. C. 1625.

Sæc. XVII. copias suas in Hessos usque, ipsamque
 A. C. 1625. Saxoniam inferiorem educere iussit,
 Maximilianus vero Bavarix Elector
 Tillio negotium dedit, ut nulla mora
 cum exercitu suo in Westphaliam pe-
 netrare satageret.

§. XLIX.

Initia belli Danici minus auspicata.

Brachet.
Hist. l. 2.
pag. 89.
Caraf. Germ.
saera p. 196.

Quantumvis Cæsar æque ac Tillius
 non jam occulte, sed palam arma
 in Imperii ruinam parari intelligerent,
 nihilominus ambo Daniæ Regem rur-
 sus ad pacem datis literis hortabantur:
 Philippus quoque IV. Hispaniæ Rex
 eidem bellum dissuasit; hic tamen nul-
 lum aliud dedit responsam, nisi quod
 neque in Cæsarem, nec in Imperium,
 sed duntaxat in Saxonix Ordinum de-
 fensionem hæc arma vertere medita-
 retur, peteret tamen, ut Tillius suos
 milites e Saxonia educeret, & Cæsar
 Cosaccos, exterosque milites dimitte-
 ret. Ad hæc autem reposuit Tillius,
 quod Saxonix defensio Cæsari utpote
 supremo Imperii protectori potius in-
 cumberet, & neque Ordines, nec ipse-
 met Rex a Cæsareo & extero milite,
 quod timeant, haberent, dummodo in
 Cæsaris fide, atque officio constantes,
 leges Imperii, pacemque Religionis,
 uti